

Ittoqqortoormiini palasitut atorfiup inuttalernissanut periusissaq pillugu Namminersorlutik Oqartussat nalunaarutaat

Ilageeqarnek pillugu Inatsisartut inatsisaat nr. 9, 19. maj 2010-meersumi Inatsisartullu inatsisaat nr. 2, 29. november 2013-imeersoq aqqutigalugu allanngortinneqarsimasumi § 26i naapertorlugu aalajangersarneqassaaq:

§ 1. Maani aalajangersakkami malittarisassat Ittoqqortoormiini Palaseqarfimmi piffissami ilagiit sinniisaannik pilersitsiffiusimanngitsumi palasitut atorfimmit inuttalersuinissamut atuupput.

§ 2. Biskoppip Provsteqarfik Qeqqa Tunulu-mi provsti qinnuteqaatit sulisussarsiornermi tiguneqarsimasut pillugit ilisimatissavaa. Atorfiup inuttalernissaa pillugu provstimik ataatsimeeqateqarnissaq Biskoppip aaqqissuutissavaa. Ataatsimiinnissaq qinnuteqarfissap killingata kingorna piaarnerpaamik pissaaq, kingusinnerpaamillu sap. ak. pingasut kingorna. Tamassuma killigitap sivitsornissaa biskoppip piumappagu Ilageeqarnermut Naalakkersuisoqarfimmit sivitsorneqarsinnaavoq.

§ 3. Ataatsimiinnissaq § 2-mi pineqartoq pereerpat provsti qinnuteqaatit pillugit biskoppimut oqaaseqaasiussaaq. Biskoppip taakku oqaaseqaatit aamma atorfiup inuttalernissanut nammineq inassutini ilanngullugu Ilageeqarnermut Naalakkersuisoqarfimmut nassiutissavai.

Imm. 2. Biskoppi sapinngisamik qinnuteqartunik pingasunik pingaarnersiorlugit tulleriiaarneqartunik Ilageeqarnermut Naalakkersuisoqarfimmut inassuteqassaaq, taamaakkaluartoq § 4, imm. 2 takuuk.

§ 4. Ilageeqarnermut Naalakkersuisup kina palasitut atorfimmut atorfinitsinneqassanersoq aalajangissavaa. Qinnuteqartoq biskoppimit inassutigineqarsimanngitsoq atorfinitsinneqarsinnaanngilaq.

Imm. 2. Biskoppi qinnuteqartut akornanni piukkunnartoqarsorinngippagu taamaattumillu inassuteqarsimanngippat imaluunniit Ilageeqarnermut Naalakkersuisup biskoppip qinnuteqartut inassutigisimasaanik atorfinitsitsiumanngippat atorfimmut sulisussarsioqqissaaq.

§ 5. Nalunaarut 1. november 2017-imi atuutilerpoq.

Doris J. Jensen

/

Lone Nukaaraq Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut